

# Sigillum Dei Bini

Silyo Sa Buhi Nga Diyos

*Kining espesyal nga pag-ampo maoy Gasagikan sa Diyos Amahan nga gihatag ngadto ni Propeta Maria Divine Mercy alang sa panalipod sa tanang anak sa Diyos. (Mensahe 351, Pebrero 20, 2012)*



*Ang tanang modawat niining Silyo pagahatagan ug panalipod alang sa matag usa kaninyo ug sa matag sakop sa inyong panimalay sukad karon ug hangtud sa Ikaduhang Pagbalik ni Kristo.*

*Barug karon ug dawata ang Akong Silyo, ang Silyo Sa Buhi Nga Diyos. Lituka kining maong Krusada sa Pag-ampo (33) aron sa pag-ila sa Akong Silyo ug sa pagdawat niini uban sa gugma, kalipay ug pagpasalamat.*



*Akong Diyos, Akong Mahigugmaong Amahan, gidawat ko uban sa gugma ug pasalamat ang Imong Diosnong Silyo sa Panalipod. Ang Imong pagka Diyos milukop sa akong lawas ug kalag hangtud sa kahangturan. Nagayukbo ako uban ang mapaubsanong pagpasalamat ug nagahalad sa akong halawom nga gugma ug pagkamaunongon nganha Kanimong, akong Mahigugmaong Amahan. Nangaliyupo ako kanimo, panalipdi ako ug ang akong minahal sa kinabuhi niining Espesyal nga Silyo ug nagasaad ako sa akong kinabuhi diha sa pag-alagad Kanimo hangtud sa kahangturan. Gihigugma ko Ikaw Minahal nga Amahan. Hupayon ko Ikaw Minahal nga Amahan. Nagahalad ako Kanimo sa Lawas, Dugo, Kalag ug pagka Diyos sa Imong Pinalanggang Anak aron sa pagbayad sa mga kasal-anan sa kalibutan ug alang sa kaluwasan sa Imong mga anak, Amen.*

*Padayon Akong mga anak ug ayaw kahadlok. Salig Kanako, ang Inyong Mahigugmaong Amahan, kinsa mahigugmaong nagbuhat sa matag usa kaninyo. Nakaila Ako sa matag usa ka kalag, nahibalo Ako sa tanan ninyong kabahin. Walay usa kaninyo nga Akong gipalabi sa Akong Gugma. Tungod niini, dili Ako buot nga may mawala bisan usa ka kalag. Palihug ipadayon ang pag-ampo sa Akong Rosaryo sa Diosnong Kalooy (Divine Mercy Chaplet) matag adlaw. May adlaw, masabtan ninyo ngano nga gikinahanglan kining maong paghinlo.*

*Ang Imong Mahigugmaong Amahan Sa Langit*

*Ang Labing Halangdon Nga Diyos*